



Ավետիք Իսահակյան

Ոսկի թիթեռներ – ոսկեհուր աստղեր

Ոսկի թիթեռներ – ոսկեհուր աստղեր –
Ծո՛վ մարմարայի – լուսեղեն անո՛ւրջ.
Գինով գիշերներ, լուսնի վառ շողե՛ր,
Մույգ նոճիների դյութական մրմո՛ւնջ...

Հուշերը նորից սիրտըս են տանջում,
Լուսեղեն երա՛գ, որ հիմա չկա.
Հոգիս մենավոր, վաստակած թոշուն,
Խավար ու խորին ծովերի վրա...

Մի երգ գիտեի՝ անո՛ւջ, ոսկեշո՛ւնջ,
Լուսեղեն երա՛գ՝ հեռո՛ւ, հեռավո՛ր.
Ա՛խ, նոճիների դյութական մրմունջ,
Օրորե՛ք մեղմիկ հոգիս վիրավոր...

1912

Կ.Պոլիս